

Fu posto, per li Consieri, Cai di XL e Savi, scriver al Podestà et capitano di Crema debbi far le spianade atorno la terra et siano passa 500 lontane de le mure, et fu presa: 165, 1.

Fu posto, per li Consieri et Savii: atento li Consoli electi a Damasco refudano, et havendo refudà sier Beneto Contarini era stà electo in luogo di sier Andrea Arimondo, qual ha compido zà 7 mexi, che sia electo nel nostro Mazor Consejo consolo a Damasco, qual debbi partir con le prime nave vanno in Soria, sotto pena di ducati 500, quali siano di Avogadori senza altro Consejo; il qual portar debbi le robe e merze mandano li Provedadori sora il dito cotimo, per dar a' mori e pagar le usure; et non se possi prolongar il termene al partir dil Consolo, sotto pena di ducati 500 *ut in parte*. La qual parte non se intendi presa, se la non sarà posta nel primo Gran Consejo; *videlicet* che 'l Consolo sarà electo, poi li 8 zorni, acetando, sia ubligà partirsi nè possi refudar, *ut in parte*; et fu presa. Ave de si 168, di no 6.

Fu posto, per li Savi, che atento Zuan Batista da Fan si pagi a la camera di Treviso, et per le fabriche si fa è stentato a pagarsi, che sia permutà dita camera a la camera di Vicenza. Fu presa: 130, 3.

217* Fu poi mandato a tuor i bolletini a cadauno per far li tre a contar con li banchi Pixani, Capello e Vendramin, juxta la parte presa; e si fanno con pena, e fono electi questi soli:

Electi tre a contar con li Banchi.

Sier Francesco Foscari, fo savio dil Consejo, qu. sier Filippo el procurator.

Sier Lucha Trun el consier, qu. sier Antonio.

Sier Batista Erizo, fo Cao dil Consejo di X, qu. sier Stefano.

Sier Gasparo Malipiero, fo savio a Terra ferma, qu. sier Michiel.

Et visto la Signoria erano tolto solo questi 4, licentiono il Pregadi, admonendo tutti venissero il primo Pregadi con li boletini facti.

Noto. Sier Alvise d'Armer, va luogotenente in Cypri, *licet* habbi tolto licentia di la Signoria per partirsi et esser montato in nave, et poi venuto in terra per non esser partita la nave, vene in Pregadi, et *tamen* di *jure* non potea venir; il qual però per tempi contrarii la nave non si poté partir, fino a di . . . Mazo che si levò la matina per tempo. Siehè li 300 fanti è stati in nave zorni . . .

In questo Pregadi, sopradito di ozi, fo posto,

per li Consieri, Cai di XL e Savii: atento sier Giacomo Justinian qu. sier Marin habi pagà a l'oficio di tre Savii per uno debito di sier Orsato Justinian procurator ducati 30, et poi per diti signori è stà cognosuto non era debitor, e fato creditor in l'oficio dito sier Giacomo di diti ducati 30, el qual è debitor a l'oficio di le Raxon nuove, però sia preso che dito credito di tre Savii si porti a le Raxon nuove, e si debbi meter a conto dil debito dil prefato sier Giacomo Justinian. Ave 138 di si, 16 di no; fu presa.

Noto. L'ordine di la parte di Crema di far le spianade, è questo il tenor: che sia reduta la spianada li atorno larga da ogni parte trabuchi 306, che sono passi 492, e debbi far meter li termeni, et la spianada si fazi passa 500 lontan di la terra comenzando dal muro de la contra scarpa fino a li termini, facendo far li capiteli di piere cote, *videlicet* uno a l'incontro di ogni revelin e torion, intendando in questa spianada non si possi semenar canevi nè sorgi. *Item*, tutti li fossi siano spianadi etc.

1518, die 30 Aprilis. In Rogatis.

218

Consiliarii, absente sier Petro Capello, Sapientes Consilii, absente sier Aloio Molino procuratore, et Sapientes Terrae firmæ.

El precipuo instituto del Stato nostro è proveder che le actione de cadauno siano a tutti manifeste et maxime in *re* pecuniaria, essendo stà *praesertim* creadi Avogadori extraordinarii *principaliter* per discoprir e manifestar quelli che hanno *quovismodo indebite* ricevuto et tolto il danaro di la Signoria nostra. Et perchè vien *undique* divulgato che molti nobeli, scrivani et altri ministri pubblici sono stà sententiati per diti Avogadori per aver *indebite* tolli i danari pubblici nel tempo che i sono stadi nelli ofici; et molti *etiam simpliciter* chiamati hanno *de plano* restituito li danari a lor rechiesti, è più che necessario proveder che le mente de cadauno siino satisfate, et meter tal forma et regula che la justitia in tutti sia *acqua lance* amministrata, et che le operation de diti Avogadori extraordinarii si preterite come presenti et future siano a tutti note et manifeste acio cadauno habi il condegno premio di le operation sue, però:

L'anderà parte: che, per autorità de questo Consejo, sia *firmiter* statuito et preso, che i prefati Avogadori extraordinarii, si preteriti come presenti, siano tenuti et obligati venir el primo zorno nel Colegio nostro insieme *cum* el suo nodaro et rasonati e con